

四分律藏卷第五十一

此等十卷

隨一

姚秦三藏佛陀耶舍異竺佛念譯

第四分房舍捷度之餘

尔時世尊在舍衛國時有比丘在僧地中作私房有上座客比丘來語言起避上座彼答言不起問言何故耶答言是我私房諸比丘

白佛佛言應語令起若起者善若不起應語言還僧地更無有理以僧地入已有比丘卒成屋不堅牢佛言不應尔彼便盡形壽經營一房屋不時成佛言不應尔若作極上大好房重閣堂聽十二年經營餘者隨大小量宜彼經營人一切時春夏冬受僧常營事房佛言不應尔聽夏三月竟隨上座分時有比丘通經營僧伽藍便處處取房分佛言不應尔應九日取一處住彼經營人在衆多人住處住食堂溫室經行堂令客比丘無住處佛言不應尔若下堂衆多人住處應在上堂住若上堂衆多人住處應在下堂住彼作小小

經營泥壁若補缺落若平地便索營事者房佛言不應尔彼差沙弥守僧伽藍人便作營事人佛言不應尔彼作小房索營事者房佛言不應尔若所作房受繩牀木牀者聽與營事房彼作惡房便索營事者房佛言不應尔若所作房莊嚴香薰所須具足者聽與房時有營事比丘受房已命過諸比丘不知此房屬誰白佛佛言隨僧時有營事比丘遣人白僧索房彼比丘至僧中白索房已營事比丘便命過諸比丘不知此房與誰佛言隨僧營事比丘遣人僧中索房已彼使比丘命過諸比丘不知此房與誰佛言應與彼營事者時營事人夏安居中命過諸比丘不知此房與誰佛言隨僧時有比丘作房未覆捨行時客比丘語舊比丘言可覆此房舊比丘答言作者應覆諸比丘白佛佛言聽作極大好重閣房六年内覆成餘小者隨事量宜時有一比丘作房有異比丘覆彼二比丘共諍先後治

屋諸比丘白佛佛言先作者應先治時有二
比丘共作房二人共諍前後作佛言聽更互
作上座在先時營事比丘夏安居受所治房
復受餘房佛言不應尔即所住房作安居房
尔時世尊在拘謹彌時王憂填與跋難陀親
厚王請在拘謹彌夏安居時跋難陀受請安

隨一

居已聞有異處安居僧大得衣物即往彼處
少時住已還拘謹彌時王憂填聞已譏嫌云
何跋難陀受我請夏安居已聞有異處僧大
得夏安居衣物而往彼住後還來此時諸比
丘聞往世尊所頭面禮足却坐一面以此因
緣具白世尊世尊爾時以此因緣集比丘僧

呵責跋難陀釋子言云何受請在拘謹彌夏
安居聞有異處僧大得夏安居衣物便往彼
住已復還此耶無數方便呵責已告諸比丘
若比丘此處安居聞有異處僧大得夏安居
衣物而往彼住即失此處於彼少住已復還
此處復失彼處尔時衆僧房舍故壞有異居

士言若與我者我當修理諸比丘白佛佛言
聽與白二羯磨應如是與衆中應差堪能羯
磨者如上作如是白大德僧聽若僧時到僧
忍聽僧今持此房與某甲居士修治某甲比
丘經營白如是大德僧聽僧今以此房與某
甲居士修治某甲比丘經營誰諸長老忍僧

持此房與某甲居士修治某甲比丘經營者
默然誰不忍者說僧已忍與某甲居士房修
治某甲比丘經營竟僧忍默然故是事如是
持爾時營事比丘未分房便出行諸比丘即
於後分房彼營事比丘還問言留我營事房
不彼答言不即便嫌責諸比丘言我未分房

隨一

三

出行而於後便分房我於此有益何故不與
我房耶諸比丘不知爲成分不成分佛言成
應得還彼亦應囑人取時營事比丘未分房
出行囑餘比丘取房而不指示房處所彼比
丘營處多此比丘不知與取何房諸比丘分
房已被方還問諸比丘分房未答言已分爲

我取房不答言不彼即嫌責言未分房我出行羈餘比丘爲我取房我於此有益而不與我取房諸比丘不知爲成分不成分佛言成分應待還彼亦應指授言取某甲房彼營事比丘取房已後分房時次得好房便捨前房諸比丘白佛佛言不應余應從上座更分若

無人取者應與彼比丘疑不敢捉衆僧戶鉤鑰若杖若環若几若角杓若銅杓若浴牀佛言聽捉彼不敢從此住處移此諸物至彼處佛言聽移有五法不應差爲僧分粥設差不應分若有愛有恚有怖有癡不知分未分有如是五法不應差爲僧分粥已差不應分有

未分有如是五法分粥入地獄如射箭有五法分粥生天如射箭不愛不恚不怖不癡知分未分有如是五法爲僧分粥生天如射箭乃至差沙弥使亦如是 房舍捷度竟

第四分雜捷度二之初

尔時世尊在波羅奈五比丘來至佛所頭面禮足却坐一面白佛言我等應持何等鉢佛言聽持迦羅鉢舍羅鉢時有比丘入僧中食無鉢佛言聽比坐與若僧中有此二種鉢者借與時有比丘吐鉢中不洗持用食食已得病諸比丘白佛佛言不應不洗鉢用食聽洗已用食時諸比丘髮長佛言聽剃若自剃隨一
四

若使人剃彼須剃刀聽作彼用寶作把佛言不應用寶聽用銅鐵彼露捉刀難掌護佛言聽作刀鞘彼用寶作佛言不應用寶作聽用骨牙角銅鐵白鏹鉛錫舍羅草竹簍木作彼作刀鞘患動壞刃應以物障若毳若劫貝若犬皮若墮落應以線連綴若手捉難掌護應

作囊盛若從囊口出應以繩繫之若手捉行
恐失繩繫絡著肩時諸比丘用刀刃卷聽手
上婆故卷應石上磨手捉石恐失應盛著刀
囊中若刀鈍應刮刃若自刮教人刮彼須刮
刀佛言聽作時比丘剃髮患髮著衣佛言聽
畜承髮器不知云何作聽織竹作若屈木爲

捲以樹皮鞚之若十種衣中一一衣聽作承
髮器彼持承髮物著地用時著膝上泥土汙
衣佛言不應余聽以繩懸若安杙上時比丘
患鼻中毛長佛言聽拔若自拔若令人拔彼
須鑷佛言聽作彼用寶作佛言不應用寶作
聽用骨牙角銅鐵白鐵鉛錫作若患鑷頭破
聽頭安鐵手捉難掌護聽著剃刀囊中時諸
比丘爪長佛言聽剪若自剪若令人剪彼須
剪爪刀佛言聽作彼用寶作佛言不應用寶
聽用銅鐵手捉難掌護聽作筒盛彼用寶作
筒佛言不應用寶聽銅鐵白鐵鉛錫竹木作
患筒中出應作蓋塞彼用寶作蓋佛言不應

隨一

五

用寶聽用銅鐵若白鐵鉛錫竹木若趣著一
處患零落聽著刀囊中余時有比丘爪長至
一白衣家此比丘顏貌端正白衣婦女見已
便繫意於彼比丘即語比丘言共汝作如是
如是事比丘言大姊莫作是語我等法不應
余彼婦女言若不從我者我當自以爪把面
身破已我夫還時當語言彼比丘喚我作如
是事我不從彼便爪把破我身面如是時比
丘聞已愧懼便疾疾出其家比丘亦出其夫
亦從外入彼婦即自把破身面語其夫言比
丘喚我作如是事我不從便把破我身面其
夫即疾疾逐比丘語言汝欲犯我婦我婦不
從便把破身面耶比丘答言居士莫作是語
我等法不應余夫便言汝云何言不應余汝
爪長如是彼即打比丘次死諸比丘白佛佛
言不應畜長爪時六群比丘剪爪令血出佛
言不應余彼剪爪令如半月形佛言不應余
彼剪爪令頭尖佛言不應余彼磨爪令光出

佛言不應余彼以綠色染爪佛言不應余佛語比丘汝曹癡人避我所制更作餘事聽諸比丘皮次剪爪不知長幾許應剪佛言極長如一麥應剪時六群比丘以剪刀剪鬚髮佛言不應余彼剃鬚不剃鬚佛言應剃髮彼剃鬚不剃髮佛言應剃髮彼拔髮佛言不應余彼留髮佛言不應余彼撫髮令翹佛言不應余汝等癡人避我所制更作餘事自今已去應鬚髮盡剃彼比丘不知髮長幾許應剃佛言極長長兩指若二月一剃此是極長時六群比丘疏鬚髮佛言不應余彼以油塗髮佛言不應余六群比丘盡眼臉時諸居士見皆共譏嫌沙門釋子多欲無狀自稱我知正法如是何有正法以鏡照面猶如白衣諸比丘白佛佛言不應余時比丘患面瘡佛言聽餘比丘著藥若獨在一房聽以水鏡照面著藥彼比丘治身治髮佛言不應余彼比丘唾身揩磨佛言不應余彼於露處洗浴時諸居士見皆共譏嫌沙門釋子多欲無狀自稱我知正法如是何有正法露處洗浴猶如白衣諸比丘白佛佛言不應余時有比丘作如是意自椎打肩臂欲令鹿好佛言不應余彼作如是意以香塗身爲香好故佛言不應余時比丘患身汗臭佛言聽作刮汗刀彼用寶作佛言不應用寶聽用骨牙角銅鐵鉛錫舍羅草竹木作時六群比丘作刮汗刀頭似剃刀形刮汗并欲去身毛佛言不應余亦不應畜如是言不應如是盡眼臉時諸比丘患眼痛佛言聽著種種藥時六群比丘鏡照面或水中照面或以物摩壁令光出照面時諸居士皆譏著耳璫佛言不應余時六群比丘耳輪上著嫌沙門釋子多欲無狀自稱言我知正法如

是何有正法以鏡照面猶如白衣諸比丘白佛佛言不應余時比丘患面瘡佛言聽餘比丘著藥若獨在一房聽以水鏡照面著藥彼比丘治身治髮佛言不應余彼比丘唾身揩磨佛言不應余彼於露處洗浴時諸居士見皆共譏嫌沙門釋子多欲無狀自稱我知正法如是何有正法露處洗浴猶如白衣諸比丘白佛佛言不應余時有比丘作如是意自椎打肩臂欲令鹿好佛言不應余彼作如是意以香塗身爲香好故佛言不應余時比丘患身汗臭佛言聽作刮汗刀彼用寶作佛言不應用寶聽用骨牙角銅鐵鉛錫舍羅草竹木作時六群比丘作刮汗刀頭似剃刀形刮汗并欲去身毛佛言不應余亦不應畜如是言不應如是盡眼臉時諸比丘患眼痛佛言聽著種種藥時六群比丘鏡照面或水中照面或以物摩壁令光出照面時諸居士皆譏著耳璫佛言不應余時六群比丘耳輪上著嫌沙門釋子多欲無狀自稱言我知正法如

珠佛言不應爾六群比丘著耳環佛言不應
爾六群比丘以多羅葉若鉛錫作環張耳孔
令大佛言不應爾彼六群比丘纏裏耳垂佛
言不應爾彼作鉛錫腰帶佛言不應爾彼著
頸瓊佛言不應爾彼著臂腳珮佛言不應爾
彼著指環佛言不應爾彼用五色線絡腋繫

隨一

七

腰臂佛言不應爾彼著指印佛言不應爾

爾時世尊在王舍城時有外道六師與弟子
共住時富蘭迦葉與弟子九萬人俱末法羅
瞿奢羅與弟子八萬人俱如是轉減乃至尼
捷子與四萬人俱時王舍城有長者是六師
弟子得大段栴檀木即用作鉢以寶作絡囊
盛之於中庭豎高標安著其上唱言若此王
舍城有沙門婆羅門是阿羅漢有大神力者
取此鉢去時富蘭迦葉至長者所語言我是
阿羅漢有大神力可持此鉢并囊與我長者
語言汝若是阿羅漢有大神力與汝汝可往
取彼欲取而無由得時末法羅瞿奢羅阿夷

頭翅舍欽婆羅波瞿迦旃延訥兜毗羅陀子
尼捷陀若提子等至長者所作如是言我是
阿羅漢有大神力可以此鉢并囊與我長者
言若汝是阿羅漢有大神力者與汝汝可往
取彼欲取而無由得爾時賓頭盧大目連共
在一大石上坐賓頭盧語目連言汝是阿羅
漢世尊記汝神足第一汝可往取目連言我

未曾白衣前現神足汝亦是阿羅漢有大神
力世尊記汝師子吼最為第一汝可往取時
賓頭盧聞目連語已即合石踊身虛空遶王
舍城七匝國人皆東西避走言石欲墮時彼
長者在閣堂上遙見賓頭盧在虛空中即合
手作禮作如是言取此鉢賓頭盧賓頭盧即
取鉢長者復言小下住賓頭盧賓頭盧即小
下住時彼長者從手中取鉢盛滿美食與時
賓頭盧取鉢已還以神足力乘虛而去諸比
丘聞中有少欲知足行頭陀樂學戒知慚愧
者嫌責賓頭盧言云何在白衣前現神足時

諸比丘往世尊所頭面禮足却坐一面以此因緣具白世尊世尊爾時以此因緣集比丘僧知而故問賓頭盧汝於白衣前現神足耶答言實尔時世尊無數方便呵責賓頭盧汝所爲非非威儀非沙門法非淨行非隨順行所不應爲云何於白衣前現神足猶如姪女

隨一

爲半錢故於衆人前自現汝亦如是爲弊木鉢故於白衣前現神足不應於白衣前現神足若現突吉羅比丘不應畜栴檀鉢若畜如法治若得已成者聽破分與諸比丘作眼藥時諸外道聞沙門瞿曇制諸比丘不得於白衣前現神足彼沙門所制終不更犯我等今

寧可往彼所語言汝沙門瞿曇自稱得阿羅漢我亦是阿羅漢自稱有神通我亦有神通自稱大智慧我亦有智慧今可共現過人法神力若沙門瞿曇現一過人法我當現二若現二我當現四沙門瞿曇現四過人法我當現八若現八我當現十六若現十六我當現

三十二若現三十二我當現六十四若所現轉增我現亦轉一倍時諸外道在城街巷處處唱說沙門瞿曇自稱有神力我亦有神力自稱有大智慧我亦有大智慧我等今欲共沙門瞿曇揔現神力過人法若沙門瞿曇現一我當現二如是沙門瞿曇所現多少我當

現轉增一倍時王舍城中有一處其地廣大平博時彼長者多持華香瓊瑤妓樂幢幡飲食衣服醫藥卧具欲於此處供養外道婆伽婆時彼長者欲取華供養外道手入器輒不得出欲取香瓊瑤幢幡妓樂飲食衣服醫藥卧具隨所取手皆著器而不得出時彼長者

九

欲取華供養佛時隨手所取而無所礙如是隨手所取乃至醫藥卧具而無所礙彼作如是念未曾有世尊有如是大神力時彼長者即白佛言唯願世尊與大比丘僧受我明日請食爾時世尊默然受請時彼長者見世尊默然許可前禮佛足遶佛而去即還其家竟

夜辦種種肥美飲食明日清旦往白時到余時世尊著衣持鉢與大比丘僧千二百五十人俱往彼長者家時世尊動足行處有大神力天在虛空中以天曼陀羅華栴檀末香天優鉢羅鉢頭摩拘牟頭分陀利華以散佛行迹處作天妓樂歌頌讚佛時彼長者隨從世

尊作是念今此音聲爲從地出爲從上來仰視空中遙見天曼陀羅華乃至分陀利華及天妓樂住在空中便作是念此音不從地出乃從上來時世尊至長者家就座而坐時諸外道聞作如是念彼長者由來供養我諸外道今乃更請佛及僧飲食我今寧可往令彼

供具不足即便與眷屬俱往長者家守門人見諸外道與眷屬俱來即往白長者言知不今諸外道與眷屬來當聽入不長者言莫聽入佛告長者可聽入長者白佛外道衆多此處窄狹恐不容受佛言但聽入足相容受長者復言外道衆多坐處窄狹飲食有限本爲

千二百五十人設供今恐供不足佛言長者但聽入足相容受飲食供足余時世尊以神足力令地平正廣博東西視時無數百千高座自然而有南西北方亦復如是時世尊與大比丘僧千二百五十人并外道俱坐時彼長者設種種美食供養佛比丘僧及諸外道

一切充足食已捨鉢更取卑牀於佛前坐時世尊爲長者無數方便說法教化令得歡喜爲長者說法已從座而去余時諸外道與眷屬俱往瓶沙王所合掌頂上言願王常勝白言沙門瞿曇自言是阿羅漢我亦是阿羅漢沙門瞿曇自言有神通我亦有神通沙門瞿曇自稱有大智慧我亦有大智慧我等今欲共沙門瞿曇擒勝神力及過人法若沙門瞿曇現一我當現二如是隨沙門瞿曇所現多少我盡倍之大王我今欲共沙門瞿曇擒現神力過人法時瓶沙王往詣佛所頭面禮足却坐一面以向因緣具白世尊唯願世尊與

隨一

十

外道揔現神力及過人法世尊告王言且止我自知時可現當現明日當去隨王所欲世尊明日與大比丘衆俱從王舍城去時瓶沙王以五百乘車載種種美食從世尊後時諸外道聞世尊清旦出王舍城去作如是言沙門瞿曇不能與我等共揔神通便去王瓶沙

五百乘車載種種美食爲我等不爲彼瞿曇沙門我曹今可隨彼去到所至之處喚共揔神力過人法彼即隨世尊後去時王瓶沙聞佛清旦與千二百五十人從王舍城去王從八万四千人俱隨世尊後梵天王釋提桓因四天王諸天無數百千大衆隨從世尊後時世尊往憂禪城憂禪城王名波羅殊提摩竭國諸外道憂禪城諸外道俱共往波羅殊提王所合掌頂上讚言願王常勝沙門瞿曇自稱言是阿羅漢我亦是阿羅漢自稱言有神力我亦有神力自稱言有大智慧我亦有大智慧我等於王舍城中求共揔神力過人法

而沙門瞿曇不能與我揔神力過人法我等今欲共揔神力過人法若沙門瞿曇現一我當現二如是隨沙門瞿曇所現多少我盡倍之時王波羅殊提即往佛所頭面禮足却坐一面以此因緣具白世尊善哉世尊可共諸外道現神力過人法尔時世尊告波羅殊提

王言且止我自知時可現當現明日當去隨王意時世尊明日清旦從憂禪去波羅殊提王五百乘車載種種美食從世尊後時諸外道聞世尊去作如是言沙門瞿曇不能與我揔神力過人法便去王五百乘車載飲食爲我等不爲彼我當隨去到所至處與共揔神力過人法彼即隨世尊後而去時王瓶沙間世尊去與八萬四千人俱波羅殊提王與七萬人俱釋梵四天王諸天大衆無數百千眷屬圍遶從世尊後世尊往拘跋彌國瞿師羅園中住時憂陀延爲王摩竭國諸外道憂禪國諸外道拘跋彌諸外道俱往憂陀延王所

合掌頂上讚言願王常勝白如是言沙門瞿曇自稱言是阿羅漢我亦是阿羅漢自稱言有大神力我亦有大神力彼自稱言有大智慧我亦有大智慧於摩竭國憂禪國求共擒神力過人法沙門瞿曇不能與我共擒神力過人法而去我等今欲共沙門瞿曇共擒神

力過人法沙門瞿曇現一我當現二如是隨彼所現多少我盡倍之時憂陀延王詣世尊所頭面禮足却坐一面以此因緣具白世尊善哉世尊可與諸外道共擒神力過人法佛告王言止止我自知之可現當現明日當去便隨王意明日清旦便去時王憂陀延五百

乘車載種種飲食隨世尊後時諸外道聞世尊去便作是言沙門瞿曇不能與我共擒神力過人法便去憂陀延王五百乘車載飲食而爲我等不爲彼我今隨彼所至之處當共擒神力過人法即便隨世尊後去時瓶沙王與八万四千人俱憂禪王與七萬人俱憂陀

隨一

十二

延王與六萬人俱從世尊後釋梵四天王無數百千諸天大衆從世尊後余時世尊往迦維羅衛國尼拘律園中住時迦維羅衛王梵施是佛異母弟摩竭國諸外道憂禪諸外道拘睞弥諸外道迦維羅衛國諸外道共往梵施王所合掌頂上願王常勝白梵施王言沙

門瞿曇自稱言是阿羅漢我亦是阿羅漢自稱有大神力我亦有大神力自稱有大智慧我亦有大智慧我於摩竭國憂禪國拘睞弥國與沙門瞿曇擒神力過人法而沙門瞿曇不能與我擒神力過人法便去我等今欲與沙門瞿曇擒現神力過人法若沙門瞿曇現一我當現二如是隨沙門瞿曇所現多少我盡倍之時梵施王往詣佛所頭面禮足在一面坐白佛言願世尊現神力過人法佛告王言止止我自知時可現當現明日當出迦維羅衛國去可隨王意世尊明日清旦便去余時梵施王即以五百乘車載種種飲食從世

尊後時諸外道聞世尊去便作是言沙門瞿曇不能與我共揔神力過人法捨我而去王梵施所載五百乘車飲食而爲我等不爲沙門瞿曇今當隨其所至之處喚其揔神力過人法即與眷屬逐世尊後時王瓶沙聞佛去即與八萬四千人俱波羅殊提王與七萬人

隨一十三

俱憂陀延王與六萬人俱梵施王與五萬人俱從世尊後釋梵四天王與諸眷屬無數百千人從世尊後尔時世尊從迦維羅衛國人間遊行至舍衛國祇桓園中住時舍衛國波斯匿爲王時摩竭國諸外道憂禪城諸外道拘睞弥諸外道迦維羅衛諸外道舍衛國諸外道皆往王波斯匿所合掌頂上白言願王常勝作如是言沙門瞿曇自稱言是阿羅漢我亦是阿羅漢自稱言有大神力我亦有大神力自稱言有大智慧我亦有大智慧我等於摩竭國憂禪城拘睞弥迦維羅衛國欲共揔神力過人法而不能與我共揔神力過人

法便去我等今欲共沙門瞿曇揔神力過人法若沙門瞿曇現一我當現二如是隨其所現多少我盡倍之王波斯匿往世尊所頭面禮足却坐一面以此因緣具白世尊善哉世尊願現神力過人法佛告王言止止我自知時可現當現於臘月十五日中從初一日至十五日如來當現神力過人法大王若欲觀如來現神力過人法者便來時舍衛國有別處其地平正廣博世尊往彼敷座而坐時梵天王偏露右肩右膝著地合掌白世尊言我當爲世尊敷高座佛告梵王且止我自知時天帝釋四天王瓶沙王波羅殊提王憂陀延王梵施王波斯匿王末利夫人長者梨師達多富羅那各各作如是言我當爲世尊敷高座佛告言汝等且止我自知時時諸居士有信外道者爲外道敷價直百千高座有信樂恭敬供養世尊者次第從一日至十五日爾時世尊東面看時有無數百千諸座自然

而有南西北方亦復如是中央有自然七寶
師子高座如來坐上時諸大衆皆悉就坐時
有檀越次供日者授佛楊枝世尊爲受嚼已
棄著背後即成大樹根莖枝葉扶疎茂盛時
諸大衆見世尊如是神力皆大歡喜得未曾
有獸離心生時世尊觀諸大衆得未曾有生

隨一

十四

獸離心即爲無數方便種種說法令得歡喜
時座上無數百千人遠塵離垢得法眼淨此
是世尊初日現神力變化於第二日此樹華
生色香具足樹華散落周遍大衆積至于膝
比丘比丘尼優婆塞優婆夷及餘大衆皆覩
此香氣時諸大衆見世尊如是神力變化皆

大歡喜得未曾有獸離心生時世尊觀諸大
衆得未曾有生獸離心即爲無數方便種種
說法令得歡喜時於座上無數百千人遠塵
離垢得法眼淨此是世尊第二日現神力變
化於第三日樹菓便出色味具足其菓不搖
自落墮地不壞比丘比丘尼優婆塞優婆夷

及諸大衆皆共食之此諸大衆見世尊如是
神力變化皆大歡喜得未曾有獸離心生時
世尊觀諸大衆得未曾有獸離心生即爲說
法乃至得法眼淨如上此是世尊第三日現
神力變化尔時有檀越次供第四日者授世
尊水時世尊即取一掬水棄之前地佛神力

故即成大池其水清淨無諸塵穢飲之無患
有諸雜華優鉢羅鉢頭摩拘牟頭分陀利華
衆鳥異類鳬鴈鴛鴦龜魚鼈水性之屬以
爲莊嚴時諸大衆見世尊神力如是變化皆
大歡喜得未曾有獸離心生時世尊觀諸大
衆得未曾有獸離心生即爲說法乃至得法

隨一

十五

眼淨如上此是如來第四日變化爾時第五
日池四面各出一河直流不曲其水恬靜而
無波浪衆雜奇華以爲莊嚴其流水聲說法
之音一切衆行皆悉無常苦空一切諸法皆
悉無我涅槃息滅時諸大衆見世尊神力如
是變化皆大歡喜得未曾有獸離心生時世

尊觀諸大衆得未曾有獸離心生即爲說法乃至得法眼淨如上此是世尊第五日變化於第六日世尊化諸大衆皆一等類無有差降時諸大衆見世尊神力變化如是皆大歡喜得未曾有獸離心生時世尊觀諸大衆得未曾有獸離心生即爲說法乃至得法眼淨如上此是世尊第六日變化於第七日世尊在空中爲諸大衆說法但聞如來說法聲而不見形時諸大衆見世尊神力變化如是皆大歡喜得未曾有獸離心生時世尊觀諸大衆得未曾有獸離心生即爲說法乃至得法眼淨如上第八日時諸居士信外道者遣使

喚諸外道汝曹知不沙門瞿曇已現神力於今八日汝曹何故不來耶彼欲來而不得來時世尊告諸比丘言若使富蘭迦葉以堅鞞皮繩縛其身並牛牽之皮繩斷身形破壞若不捨已見而爲論議故終不能來至我所乃至尼捷子等亦如是時梵天王告天帝釋言諸外道人自言與世尊等而不能來與世尊捕現神力今可破滅其高座時天帝釋告四天王諸外道自言與世尊等而不能來與世尊捕神力今可破滅其高座時四天王即召風神雲雨神雷神告如是言諸外道自言與世尊等而不能來與世尊捕力今可破壞其高座今散滅無餘時風神等聞四天王教已即取外道高座破散令滅無餘時諸外道得風雨飄濕即入草木叢林山谷窟中而自藏竄時有露形斯尼外道波梨子波私婆闍伽以大石繫頸自投深淵時諸大衆見世尊神力變化皆大歡喜得未曾有獸離心生世尊即爲說法乃至得法眼淨如上此是世尊第八日變化於第九日世尊於須弥頂上爲大衆說法但聞其聲不見其形時諸大衆見世尊如是變化皆大歡喜得未曾有獸離心生世尊即爲說法乃至得法眼淨如上此是世尊第九日變化第十日世尊於梵天上說法

隨一

十六

時諸大衆但聞其聲不見其形時諸大衆見世尊如是變化皆大歡喜得未曾有獸離心生出尊即爲說法乃至得法眼淨如上此是如來第十日變化於第十一日世尊於大衆中現神足變化一身爲多身多身爲一身於近現處若遠不見處若近山障石壁身過無礙遊行空中如鳥飛翔出沒於地猶若水波

履水而行如地遊步身出烟炎猶若大火手捫摸日月身至梵天時諸大衆見世尊如是變化皆大歡喜得未曾有獸離心生世尊即爲說法乃至得法眼淨如上此是世尊第十二日世尊於大衆中

心念說法是應念是不應念是應思惟是不應思惟是應斷是應修行是時諸大衆見世尊神足變化如是皆大歡喜得未曾有獸離心生世尊即爲說法乃至得法眼淨如上此是世尊第十二日神足變化於第十三日世尊爲大衆說法教授說法教授者一切皆熾

隨一

十七

然云何一切皆熾然眼熾然色熾然識熾然眼觸熾然眼觸因緣有受若苦若樂若不苦不樂是亦熾然誰熾然貪欲瞋恚癡大熾然生老病死憂悲苦惱熾然苦緣是生耳鼻舌身意亦如是一切皆熾然尔時大衆聞世尊如是說法教化皆大歡喜得未曾有即爲說

法乃至得法眼淨如上此是如來第十三日變化於第十四日次供檀越以一掬華授與世尊世尊已擲著空中以佛神力故變爲万四千華臺樓閣華臺樓閣中一切皆有坐佛左右面天帝釋梵合掌敬禮而說偈言
敬禮丈夫王 大人最無上 一切無能知

世尊所依禪

余時大衆見世尊神力變化如是皆大歡喜得未曾有世尊即爲說法乃至得法眼淨如上余時摩竭王瓶沙次十五日設供即於夜辦種種美食夜過已明日以種種多美飲食飯佛及僧并波羅殊提王優陀延王梵施王

波斯匿王末利夫人長者梨師達多富蘭那
一切大眾皆供養滿足食已捨鉢王瓶沙更
取卑牀於佛前坐時世尊壞加趺坐申脚案
上足至案上時地爲六反十八動震動時世
尊足下相輪輪有千幅輪設成就輪相具足
光明晃曜從輪出光光照三千大千國土時

摩竭王見世尊足下輪相如是即從座起偏
袒右肩右膝著地白世尊言世尊往昔作何
福德得此足下千輻輪相光明晃曜輪中出
光光照三千大千國土尔時佛告瓶沙王乃
往過去世時有王名利益衆生作閻浮提王
時間浮提國土豐饒人民熾盛快樂有八萬

四千城邑聚落有五十五億時利益衆生主
所住城名慧光東西十二由延南北七由延
其城廣大人民熾盛財物無限嚴飾使樂王
第一夫人字慧事無兒息彼爲兒故禮事種
種諸天河水池水滿善天寶善天日月天帝
釋梵天王地水火風神摩醯首羅天子園神

隨一

十六

林神巷陌諸神鬼子母聚落諸神處處供養
求願有子後於異時王第一夫人懷娠女人
有三種智慧知男子有欲意看知得胎時知
所從得處時夫人即往王所白言王知不我
今懷妊王言大善即爲夫人倍增供具以最
上飲食衣服醫藥卧具一切所須皆增一倍
十月滿已生一男兒顏貌端正時兒生日八
萬四千諸城八萬四千伏藏自然踊出藏有
銀者銀樹踊出根莖華葉皆是白銀藏有金
者金樹踊出根莖華葉皆悉是金藏有瑠璃
者頗梨者有赤真珠者有瑪瑙者有車渠者
皆亦如是尔時國法若兒初生若父母爲作
字若沙門婆羅門爲作字時王利益衆生作
是念何須沙門婆羅門爲作字也此兒母字
慧事我今寧可字兒爲慧燈彼即字爲慧燈
時王爲其兒置四種乳母一者治身二者浣
衣三者乳養四者戲笑治身乳母者修治身
形支節浣衣母者爲浣濯衣服洗浴身形與

乳母者主知與乳遊戲母者若王子在象馬車乘遊戲時華香寶物種種玩弄之具與共嬉戲持孔雀蓋在後娛樂王子令得快樂尔時世尊即說偈言

一切要歸盡 高者會當墮 生者無不死
有命皆無常 衆生隨有數 一切皆有爲

隨一

十九

一切諸世間 無有不老死 衆生是常法
生生皆歸死 隨其所造業 罪福有果報
惡業墮地獄 善業生天上 高行生善道
得無漏涅槃

時利益衆生王命終王子轉大至年八九歲其母教學諸妓藝書畫筆數戲笑歌儻妓樂象馬騎乘車學射勇健捷疾於諸妓藝皆悉綜練至年十四五時諸羣臣至王子所白言知不王已命終今次應登王位爲王施行教令王子答言我不能爲王行王教令何以故我前世時曾爲國王經六年以是因緣墮在地獄六萬歲以是故今不能爲王行王教

令諸臣言頗有方便可得作王行王教令不答言有何者是答言若能令閻浮提若男若女能言之者皆行十善不殺生乃至不邪見者我當爲王時諸臣聞王子教已即遣使持書四方唱令作如是言汝等知不利益衆生王已命過王子慧燈次應爲王作如是言我

不爲王乃使閻浮提人若男若女能言之者皆行十善不殺生乃至不邪見者我當爲王國人聞如是教盡修行十善不殺生乃至不邪見諸臣即往王子慧燈所白言王子知不閻浮提人若男若女能言之者皆行十善不殺生乃至不邪見今可登王位行王教令王子言取綰來即授第一白綰與自繫頭上作如是言如是時有如是主善好不耶諸臣答言甚善時諸臣白王言王初生時有八萬四千藏自然而生今可取入王藏王言何須入藏即可於彼四交道頭布施沙門婆羅門貧窮孤老隨所求索者一切施與時諸大臣聞

慧燈王教已即於八萬四千城隨所在藏於四城門中四交道頭布施沙門婆羅門貧窮孤老隨其所索一切施與時天帝釋便作是念王慧燈於八萬四千城隨所在藏皆於四城門中四交道頭布施沙門婆羅門貧窮孤老隨其所索一切施與將恐來奪我座我今寧可往試王慧燈爲以無上道不退轉故布施爲以退轉也彼即化作男子自相謂言王慧燈教我等行十惡殺生乃至邪見時諸大臣皆往王所白言王實教國人行十惡殺生乃至邪見耶王答言不何以故我先有是語我不作王乃令閻浮提人能言之類皆行十

善不殺生乃至不邪見我當爲王是故我無是語汝等今可嚴駕象乘我欲因行教化國人

二十末
四分律藏卷第五十一 第四分卷第二 隨一
拘睟上音俱下音俱反 優填下音俱反 鈞鑰下音俱反 環音還 凡

居矣反 拘約時約反 佐闍上正反 作把下音 刀鞘下音 凡

鑱蠟 郎答反 **竹葦** 下于毛昌歲 **連綴** 下知
刃卷 下巨鉢徒 **刮** 俱八 **爲捲** 下去
官杖 真反 **鉢面** 真反 **鞞子** 斯
反 **渠渠** 渠渠反 **遙** **眼臉** 下音 **揩磨** 上口 **推打** 追反
乃典 耳當下音 **耳** 當平音 **耳** 下下累反 **耳** 直瑞反 **耳** 反 **搘** 上音 **搘** 下音
反 **渠渠** 渠渠反 **遙** **眼臉** 下音 **揩磨** 上口 **推打** 追反
訛塊 下丁侯反 **搘** 古兵反 **腋** 音搘 **翅** 音搘

四分律藏卷第五十二

姚秦三藏佛陀耶舍共竺佛念譯

隨二

第四分雜捷度二之二

時天帝釋作如是念我不應令王乘世間常乘即嚴駕天象象有六牙牙皆鹿大置於門外時王慧燈見如是象駕問諸大臣此是誰

一

明沈

象諸臣答言不知是誰象此必是王象非餘人有耶願王便可乘之王即便乘王言可去示我彼人言我教國人行十惡者彼即示王王問言王慧燈教汝行十惡耶答言實爾王復問言可有方便行十善不答言有問言何者是耶彼答言若得成就菩薩生食其肉飲